



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 20 февраль, № 36 (8931)

Пайшанба

Сайтимизга ўтиш учун QR-кодни
телефонингиз орқали сканер қилинг.



ЗИЁРАТЧИЛАРГА ҚУЛАЙЛИК ЯРАТИШДА САУДИЯ АРАБИСТОНИ БИЛАН ҲАМКОРЛИК ЯНАДА МУСТАҲКАМЛАНАДИ

Ўзбекистон Республикаси Президенти Шавкат Мирзиёев 19 февраль куни мамлакатимизда ташриф билан бўлиб турган Саудия Арабистони Подшоҳлиги ҳаж ва умра ишлари вазири Тавфиқ бин Фавзон ар-Рабаи бошчилигидаги делегацияни қабул қилди.



Учрашув аввалида юқори мартабали меҳмон давлатимиз раҳбарига Саудия Арабистони Подшоҳи Салмон Ол Сауд ва Валиаҳд, мамлакат Бош вазири Мухаммад Ол Сауднинг салом ва самимий тилакларини етказди. Вазир, шунингдек, Подшоҳнинг кўп миллатли Ўзбекистон халқига ҳадяси — муқаддас Каъба ёпинчиги кисванинг бир парчасини топширди.

Ўзбекистон етакчиси, ўз навбатида, Саудия Арабистони раҳбариятига бебаҳо тухфа ҳамда зиёратчиларимизнинг мусулмон дунёси марказлари — Макка ва Мадинада бўлиши учун яратилган имкониятлар ва қулай шароитлар учун чуқур миннатдорлик билдирди. Биргина ўтган йилнинг ўзида 800 мингдан зиёд фуқароларимиз Умра зиёратини, 15 минг нафари Ҳаж ибодатини адо этди.

Суҳбат чоғида Ўзбекистонлик зиёратчиларга шарт-шароитлар ва кўрсатилаётган хизматлар сифатини янада яхшилаш, уларнинг Саудия Арабистонига ташрифи хавфсиз ва қулай бўлишини таъминлаш масалаларига алоҳида эътибор қаратилади.

Ўзбекистон Республикаси Президенти
Матбуот хизмати сурати.

ЭНЕРГИЯ САМАРАДОРЛИГИНИ ОШИРИШНИНГ УСТУВОР ЙЎНАЛИШЛАРИ БЕЛГИЛАБ БЕРИЛДИ

Президент Шавкат Мирзиёев
19 февраль куни энергия
самарадорлигини ошириш бўйича
таклифлар такдироти билан танишди.

Бу ҳақда 28 январда электр энергетикасини ривожлантириш бўйича ўтган йиғилишда топшириқ берилган эди.

Мамлакатимизда энергия қувватлари аҳоли ва иқтисодиёт тармоқларининг ўсувчан талабига мос равишда ошириб боришда. Хусусан, ўтган йили 50 миллиард кубометр табиий газ, 81 миллиард киловатт-соат электр ишлаб чиқарилди.

2035 йилга бориб электр истеъмоли ҳозиргидан 1,7 баробар ошиши ҳисоб-китоб қилинган. Бу талабни тўлиқ қондириш учун фақат ишлаб чиқариш эмас, тежамкорлик ҳам зарур.

Таҳлилларга кўра Ўзбекистонда 1 долларлик ялпи ички маҳсулот яратиш учун дунёдаги ўртача кўрсаткичдан 2,5 баробар кўп энергия сарфланапти. Электр тармоқларидаги йўқотишлар 14 фоиз, табиий газда эса 7 фоиздан юқори.

Шу боис олимлар жалб қилиниб, жойларда энергияни тежаш имкониятлари илмий асосда ўрганилмоқда. Ҳозиргача 7 та вилоятда 4,6 миллиард киловатт-соат электр ва 1 миллиард кубометр газни иқтисод қилиш имкониятлари аниқланган.

Такдиротда шу каби ўрнатилган асосида ишлаб чиқилган таклифлар муҳокама қилинди.

Мисол учун, сув ҳўжалигидаги эски насосларни замонавийсига алмаштириб, йилга 1 миллиард киловатт-соат электр тежаш мумкин.

Ижтимоий муассасаларда қозонхоналарни янгилаш, “яшил” энергиядан фойдаланиш орқали бу йил 5 миллион кубометр газ, 15 миллион киловатт-соат электр иқтисод қилса бўлади.

Умуман, бу йил 1,6 миллиард кубометр газ ва 3,5 миллиард киловатт-соат электр тежаш мўлжалланган. Бунинг учун ҳар бир корхона ва ташкилотга илмий асосланган чора-тадбирлар етказилади.

Жумладан, йирик саноат корхоналарида бир маҳсулот бирлиги ишлаб чиқаришга кетадиган энергия меъёри белгиланади. Шунинг ўзидан энергия сарфи 5 — 10 фоизга қисқаради. Ижтимоий объектларда энергия тежамкорлик усуллари ўрнатиш бўйича манзилли дастур тасдиқланади.

Кўп қаватли уйларда иссиқликни яхши сақлаш учун уларни изоляциялаш кенгайтирилади. Хонадонларда гелиоколлектор ва қуёш панелли ўрнатишга арзон кредитлар берилади. Истеъмолчилар Япония тажрибаси асосида энергия тежаш саводхонлиги бўйича ўқитилади.

Давлатимиз раҳбари иқтисодиётнинг барча тармоқлари, ижтимоий соҳа ва уй-жойларда тежамкорлик муҳимлигини таъкидлади. Худуд ва тармоқлар кесимида энергия исрофини қайтариш, талон-тороқчиликнинг олдини олиш бўйича қатъий кўрсатмалар берилди.

Ў.А.

Парламент дипломатияси

МУШТАРАК МАҚСАДЛАР САРИ

Озарбайжон пойтахти Боку шаҳрида бўлиб ўтаётган Осиё Парламент Ассамблеясининг 15-ялпи сессиясида Олий Мажлис Сенати Раиси Танзила Норбоева бошчилигидаги делегация иштирок этмоқда.

Ўттизга яқин давлатларнинг парламент вакиллари қатнашаётган «Осиёда кўп томонлама ҳамкорлиқни мустаҳкамлашда парламент дипломатиясининг ўрни» мавзусидаги ушбу нуфузли мажлисда мамлакатимиз юқори палатаси раҳбари нутқ сўзлади.

У ўз маърузасида парламент дипломатияси, қонун ижодкорлиги соҳасида тажриба алмашиш, экологик хавфсизлик ва иқлим ўзгаришлари борасидаги ечимларни бирга ҳал этиш каби қатор ташаббусларни илгари сурди.



Ўзбекистон Республикаси Президентининг ФАРМОНИ ИККИНЧИ ЖАҲОН УРУШИ ҚАТНАШЧИЛАРИНИ РАЎБАТЛАНТИРИШ ТЎҒРИСИДА

Мамлакатимизда 9 май — Хотира ва қадрлаш куни умумхалқ байрами сифатида кенг нишонланиши, шунингдек, Иккинчи жаҳон урушида ҳалок бўлган аждодларимиз хотирасини абадийлаштириш, бугун ҳам сафимизда туриб Ватанимизнинг обрў-эътиборини юксалтиришга, ёшларни маънавий-ахлоқий жиҳатдан тарбиялашга ҳисса қўшаётган фахрийларни эъзозлаш ҳамда Иккинчи жаҳон урушида қозонилган ғалабанинг 80 йиллиги муносабати билан уруш қатнашчилари ва ногиронларини, уларга тенглаштирилган шахсларни ҳамда 1941 — 1945 йиллардаги уруш давридаги меҳнат фронти қатнашчиларини моддий рағбатлантириш мақсадида:

1. Бир марталик пул мукофоти белгилансин:

Иккинчи жаҳон уруши қатнашчилари ва ногиронларининг ҳар бирига 10 000 (ун минг) АҚШ доллари миқдорда;

Иккинчи жаҳон уруши қатнашчиларига тенглаштирилган шахсларнинг ҳар бирига 25 000 000 (йигирма беш миллион) сўм миқдорда;

1941 — 1945 йиллардаги уруш давридаги меҳнат фронти қатнашчиларининг

ҳар бирига 3 000 000 (уч миллион) сўм миқдорда.

2. Мазкур Фармонни бажариш билан боғлиқ бўлган сарф-харажатлар Ўзбекистон Республикасининг республика бюджети маблағлари ҳисобидан амалга оширилсин.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Мудофаа вазирлиги, Давлат хавфсизлик хизмати, Ички ишлар вазирлиги, Миллий гвардия, Иқтисодиёт ва молия вазирлиги, Маданият вазирлиги, Ижтимоий ҳимоя миллий агентлиги, Ўзбекистон маҳаллалари уюшмаси, Республика Маънавият ва маърифат маркази, Ўзбекистон фахрийларининг ижтимоий фаолиятини қўллаб-қувватлаш “Нуроний” жамғармаси билан биргаликда Иккинчи жаҳон уруши қатнашчилари ва ногиронларига ушбу пул мукофоти тантанали ҳамда байрамона вазиятда топширилишини таъминласин.

4. Мазкур Фармоннинг ижросини назорат қилиш Ўзбекистон Республикаси Бош вазири А.Н.Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент шаҳри,
2025 йил 19 февраль

Ўзбекистон Республикаси Президентининг ҚАРОРИ ИККИНЧИ ЖАҲОН УРУШИДА ҚОЗОНИЛГАН ҒАЛАБАНИНГ 80 ЙИЛЛИГИ ҲАМДА ХОТИРА ВА ҚАДРЛАШ КУНИГА ТАЙЁРГАРЛИК КЎРИШ ВА МУНОСИБ НИШОНЛАШ ТЎҒРИСИДА

Мамлакатимизда 9 май — Хотира ва қадрлаш кунини кенг нишонлаш, Иккинчи жаҳон урушида қозонилган ғалабага ҳисса қўшган уруш ва меҳнат фахрийларига ҳамда Ватан равнақи, тараққиёти ва унинг ҳимояси учун курашган буюк аждодларимизга алоҳида эътибор ва чуқур эҳтиром кўрсатиш, шунингдек, мустақиллик йилларида хизмат бурчини бажариш чоғида ҳалок бўлган ҳарбий хизматчилар ва ҳуқуқни муҳофаза қилувчи органлар ходимлари хотирасини улуғлаш юртимизда олийжаноб қадриятга айланган.

Халқимизнинг Ватан ҳимояси йўлидаги юксак мардлик ва қаҳрамонликлари барча авлодлар учун намуна ва ибрат мактаби вазифасини бажариб келмоқда. Хусусан, Иккинчи жаҳон урушида ўзбекистонликларнинг 2 миллионга яқини сафарбар этилиб, шундан 538 минг нафардан ортиги жанг майдонларида қаҳрамонларча ҳалок бўлган, 158 минг нафардан ортиги бедарак йўқолган, мустақиллик йилларида 200 нафарга яқин ҳарбий хизматчилар ва ҳуқуқни муҳофаза қилувчи органлар ходимлари мамлакатимизнинг тинчлиги ва оқсоқиллиги йўлида ўз жонини фидо қилганлар.

Биз тинчлик ва мустақиллик учун ўз жонини аямаган ота-боболаримиз ва мард ўғонларимизнинг улкан жасорати, мато-

нати ҳамда фидойиликларини юрагимизда абадий сақлаймиз.

Иккинчи жаҳон урушида қозонилган ғалабанинг 80 йиллиги ҳамда Хотира ва қадрлаш кунига пухта тайёргарлик кўриш, уни юксак даражада ўтказиш, Ўзбекистон халқининг тарихий қаҳрамонлиги, фидо-корона меҳнатини улуғлаш, ёш авлодди оёна Ватанга садоқатли, бугунги тинч, оқсоқилга ҳаётни асраб-авайлашга қодир инсонлар этиб тарбиялаш мақсадида:

1. Кенг жамоатчилик вакилларининг юртимизда Иккинчи жаҳон урушида қозонилган ғалабанинг 80 йиллиги ҳамда 9 май — Хотира ва қадрлаш кунини (кейинги ўринларда — Хотира ва қадрлаш куни) “Ватан равнақи, тинчлиги ва ҳимояси йўлидаги қаҳрамонлик унутилмайд” шiori остида ўтказиш тўғр



Бошқа бирлари эса милодий йил ҳисобининг III — V асрларидан бошлаб, саккиз юз йилдан оширқок вақт мобайнида Уструшона ер юзида барқ уриб яшнаган давлатлар қаторида тургани; бир ёғи Хўжанддан Фориш тоғларига, бир ёғи Чиноздан қозоқ чўлларига қадар ўзилган Уструшона то араб истилосига қадар умумжаҳон савдо тармоғида ҳам жуда муҳим ўрин эгаллаганини таъкидлаган. Ибн Ховқал, Ибн Хордадбек, Низоумулмулк сингари алломаларнинг асарларида, хитойликларнинг 500 — 600 йилларга оид “Суй давлатининг тарихи”, “Тан давлатининг тарихи” китоблари ва 629-630 йилларда Урта Осиёга сафар қилган Чин юртининг сайёҳи Сюан Цзяннинг маълумотларида эса Уструшона Сўғддан Фарғонага олиб боруви йўл устида joyлашгани ва шу ерда йўл иккига ажралиб, бири Фарғонага, иккинчиси Шов ва Илоқа оқиб боргани боис мазкур тўғри юксак эҳтиромларга сазовор бўлгани таърифланган. Алқисса, тарихдан сўз кетса, гап тугамайди. Булар, албатта, жуда муҳим гаплар. Лекин, энг муҳими, қўшиқларда қўланганидек, Жиззахнинг ҳар сиким тўғриги олтинга, ҳар ҳовуч суви зарга, ҳар гйёҳи ўз даргда шифо эканидир. Хатто, Менделеев деганларнинг ҳавалия кирмаган маъданлар ҳам тўлиб-тошиб ётибди. Озроқ маҳобат қилдирган бўлсак, ярим дунёни гуллатиб-яшнатига етиб-ортади ундаги жавоҳирлар.

Шундай хазиналарнинг бири — Фориш базальт кони бўлса, иккинчиси “Учқулоч” кўрошин-рух конидир.

Базальт, дегани аслида тошнинг бир тури. Бирок ҳамма тошдан ҳам базальт толаси чиқавермайди, сифатли маҳсулот олиш учун тош қилдек юпка қимёвий бирикмаларга эга бўлиши керак. Бундан минг-минг йиллар олдин вулконларнинг отилиши натижасида пайдо бўлган Фориш тошларига Худойим ана шундай нодир фаизлатлар тоа этган. Марказий Осиёда бундай ҳисса йўқ.

Аммо, не кўргилимиз, ўз йиллар давомида ўзимизнинг бойлик ўзимизга насиб этмади. Хўш, шимол томонларда эди унинг хўжайинлари. Фақат бу эмас, Ўзбекистондаги жамики бойликларнинг эгалари эди ўшалар. Биз ҳаққимизни талаб қилиш тугул айтишга қўқардик. Келажакимиз қуйиб кетмасин, деб қўқардик. Ичимиздаги ичимизда қолиб кетарди. Ўз йиллар кўрдиқ. Тилимизни тилишдик. Аламимизни ютдик. Кесак чайнасак чайнадик, аммо ҳаққимизни сўрай олмадик. Қўрқмаганларнинг бошига 1916 йил қандай жафолар тушганини кўрдик-да... Жиззах қонга беланди. Ариқлар қонга тўлди. Қўчаларда қил-қизил қон окди. Ўз ваҳшийликларини кўрган жаллодларнинг ўзалари ҳам титроққа тушди. “Мен Кавказ, Қрим кўзғолларининг бостирлишига гувоҳман, — деган эди Оқлоқшонинг Поковски қили деган зоботи. — Аммо Жиззахдагидек тўқилган қонни ҳеч қаерда кўрганим йўқ”.

Шўролар замонда қароқчилар баттар кутурди. Улар нафақат бойлигимизни талади, балки тинчлигимизни, дилимизни, тилимизни, хотирамизни, эркимизни, гуруримизни, кечмишимизни, имон-этиқодимизни, миллий шазниимизни оёқости қилди. Миллатини, Ватанини севганлар йўқ қилинди. Дунёга машаққулим, ер қазирдики сир-синоатларни билгучи заковлати эди, академик Ҳабиб Абдуллаев минглаб элпарварларнинг биттаси эди. У қароқчиларнинг аси ниятларини кечроқ англаб, хатоларини тўзатишга киришди. Айтишларича, у боқинчиларнинг олтин қонгаримизни ташиб, талаб кетаётганларини кўрганидан кейин “Мурунтовни очиб адашдим”, дея алаб билан қўраганини чангаллаган экан. Юртимиздаги бошқа қонларни яширган учун Ўзқомпартиянинг ўша пайтдаги Бир-тўз деган иккинчи қотибонинг хўбёна Битур-ручи билан шифохонада ётган Ҳабиб Абдуллаев 47 ёшида заҳарлаб ўлдирди. Ўзбек яна бир беназир фарзандидан жудо бўлди.

Қандай қора қуларни кўрди, не-не алломаларидан, ботирларидан, асл фарзандларидан айрилди бугунги манзилга эйи келгунча ота-боболарини.

Мушкуллар, мушкулмўзруқликлар, адолат-сизликлар шу замин фарзанди, Жиззахнинг Зомин кўргонидоа тугилиб ўсган Шавкат Мирзиёевга беш қўлай аён эди, албатта. Давлат раҳбари бўлиб сайлангандан сўнг ўтмиш яраларини даволаш, эл-улус дастур-хонини тўғин қилишдек буюқ вазифа елкасини тушган Президент мақсадада эришмоқ учун энг аввало, саноятни ривожлантиришга эътибор қаратди. Жиззах, хусусан, Фориш кони нафракт Жиззах, балки бутун республика иктисодиётида қарвонбоси бўлиши мумкин. Зеро, ҳозирги замонда қонотдан тортиб то оддий аратмурагача “базальт” дейилмиш ноёб хомашёсиз “нафас” ололмайди. Ҳамма муҳим тармоқлар: сув иншоотлари, ҳарбий саноят, уқозсизлик, кemasозлик, метро, темир йўл, йўллардаги кўтармалар, кўприклар, девяри барча қурилиш соҳалари учун базальт бамисоли нон қабз азиз. Базальтдан тайёрланадиган аратмура, композиз сетка, фабрикалақа темирчиликка нисбатан қирқ фоиз арзон, ўл марта енгил, мустаҳкам, зангламайди, иссиққа бардошли, ушшо, Цельсий бўйича ўн минг даражагача чидайди, экологик тоза.

Шу боис Шавкат Мирзиёев Президент лавозимига сайланган биринчи қулардаёқ Жиззахга келди. У кишининг ташаббуси билан 2017 йили “Basalt Uzbekistan” саноят кластери ташкил этилди. Мудроқ тоғу тошлар маконидоа ҳаёт ўйғонди. Қудратли машиналар ишга тушди. Баҳайбат ҳарсанглар майдаланиб, соч толасидан 5 баробар ингичка ипапдек майин толарларга айлантйрилиб, лофи билан оз хил қимматбаҳо қурилиш материаллари тайёрлаш имкони пайдо бўлди. Бугун қон ҳудудидоа лойиқа қиймати 498 миллион евро бўлган 7 та завод фаолият кўрсатмоқда. Улар Германия, Франция, Италия, Чехия қабз давлатлардан келтирилган энг замонавий технологиялар билан жйҳозланган. 2 мингта яқин кишиларнинг қора қозони қайнаб турибди.

Конда 2024 йилнинг ўзидо 800 миллиард сўмлик маҳсулот тайёрланди, уларнинг 85 фоиза АҚШ, Буюк Британия, Польша, Италия, Чехия, Туркия, Бельгия, Индонезия, БАА, Россия, Грузия, Беларусь, Қозғистон, Қирғизистон, Тожикистон давлатларига экспорт қилинди.

Мутахассисларнинг ҳисоб-китобларига кўра, бу ерда 5 миллион қуддан зиёд базальт тоши мавжуд. Бу бир эмас, яна 4-5 та завод қурилса қон заҳира ўн асрга етиб ортади, деганидир.

Энди икки огиз сўз “Учқулоч” кўрошин-рух кони ҳақида. Фориш, Нурота тоғ тизмаларининг шимолий қисмидаги Хонбанди ва Учқулоч қишлоқларига туташ бу қон ўтган асрининг 80-йилларида фаолият қўртган, лекин сўнгги 20 йилда тўхтаб қолган эди. Президент сай-ҳаракати билан “Учқулоч” ҳам қайта тйрилди. Воқеа 2023 йилнинг 10 февралидо эди берди. Шу куни Ўзбекистон Президентининг Жиззах вилоятига қилган ташрифидоа доирасида “Учқулоч”ни тиклаш учун турк инвесторлари билан шартнома имзоланди, лойиқа доирасида қиймати 200 миллион АҚШ долларига тенг инвестиция жалб этилди. Орадан икки ой ўтиб-ўтмай, ўша йилнинг 12 апрелида “Учқулоч” полиметалл конини комплекс ўзлаштириш” инвестициявий лойиҳасини амалга оширишга старт берилди. Бу қон йилига 5 миллион тонна металл маъданни қайта ишлайди. Содда қилиб айтганда, худди гуручдан қурмақни ажратгандай, тошдан кўрошин, рух, мис ва қумшнни ажратиб беради.

2

Одатда, Жиззах деганда, қўнчиликнинг қўз олдиға дастлаб еру жохонни гулдуратиб томдай-томдай тошларни майдалаётган бўлдо-зеру қудратли машиналар ёки чанг-тўзонли қонлару замонавий санот қорхоналари эмас, балки уфқларға туташ бепоен пахтazorлар, олтинранг галлazorлар, пасту баланд тоғларни ям-яшил кўрпадай қоллаб ётган арчazor-чўлар, саратон қўешида тандирдай қуизган чўлар, йирок-йирокларда у ёқдан-бу ёққа қўнчи юрган сурув-сурув сароблар келади. Булардан сўнг донғи етти икмилга кетган Жиззах сомсалари, чўққуларидан қишин-ёзин қор аримас Ойқор тоғи этакларидаги тур-нақўз бўлоқлар, ҳосилини кўтаролмай шохлари ёнгилиб кетган Бахмал олмазорлари ҳамда ўзига ҳос тарзда тайёрланидиган Зомин тандири, қозон паттери, Фориш қулчотийи, “қўйиз тўли”, Галларол филмидини, қорнёёи, Арнасойнинг қаттиг-ю, қаймоғи...

Марказий Осиёдаги энг узун Зомин “Дор йўли”, “Бахт кўприғи”, Бахмалнинг 2 минг йиллик арчалари ҳам шу заминда — Жиззахда.

Бизнинг ҳўқоя эса гўё томдан тараша тушгандан санаотдан бошланиб кетди. Нега? Негак, юқоридоа эслаганимиздек, муборак заманимиз хазиналарини ҳали-ҳануа яхши билмишимиз-да... Ваҳоланки, Ўзбекистондаги оҳақ қонларининг 50, базальтнинг 33 фоизи Жиззахга теғишли. Вольфрам, олтин, қумш темир қонлари ҳам бисёр. Автомобилсозлик эса...

Жиззахда ҳозир “KIA”, “CHERY”, “HAVAL”, “TRACKER”, “ONIX” русумли енгил автомобил ишлаб чиқарилмоқда. “ADM Jizzax” МЧҚда қисқа вақтда 19,3 триллион сўмлик 58 мингдан ортиқ автомобиллар тайёрланди. “BYD Uzbekistan Factory” қўшма қорхонаси эса 160 миллион долларлик лойиҳанинг биринчи босқини бўйича илк электромобиллар ишлаб чиқара бошлади. Завод йилига 50 минг дона электромобиль ишлаб чиқариш қувватига эга. Давлат раҳбари қонийвердан чиққан биринчи электромобилига имзо қўйиб, хайрли ишга “Ok йўл!” тиллагандан с

ЯНГИЛИКЛАР хабарлар
ТАФСИЛОТЛАРСара мақолаларни
жамлаган китоб

Кеча “Жадид” газетаси кутубхонаси” туркуми остида “Тилда, фикрда, ишда бирлик!” номли китоб нашр этилгани ҳақида хабар берган эдик.

19 февраль куни пойтахтимизда мазкур китобнинг тақдими бўлиб ўтди. Унда давлат ва жамоат арбоблари, адабиётшунослар, ёзувчи ва шоирлар, олимлар, журналистлар, ёш ижодкорлар қатнашди.

Тадбирда Президентимиз ташаббуси билан дунё юзини кўрган “Жадид” газетаси маърифатпарвар боболаримизнинг аънаъаналарини давом эттириб, эзу гоёлари, яратувчанлик, бунёдкорлик, Ватанга муҳаббат ва садоқат туйғуларини тарғиб қилиб келадигани таъкидланди.

Тақдирда газета фаолиятини янада ривожлантириш, унда эълон қилинган мақолаларни тўплам ҳолида нашр этишда қайси жиҳатларга эътибор қаратиш зарурлиги ҳақида мулоҳазалар, тақлиф ва ташаббуслар билдирилди.

Тадбирда Ўзбекистон Республикаси Президенти маслаҳатчиси Хайриддин Султонов сўзга чиқди.

Туркий дунё
шаҳарсозлари анжумани

Самарқандда Туркий дунё муҳандислари ва меъморлари иттифоқининг туркий дунё шаҳарсозлигига бағишланган курултойи бўлиб ўтди.



Анжуман доирасидаги “Самарқанд — турк дунёси цивилизация маркази”, “Туркий дунёда туризм ва маданий мерос”, “Маҳмудхўжа Бехбудий таваллудининг 150 йиллигига бағишланган “Тилда, фикрда ва ишда бирлик”, “Глобал иқлим ўзгаришлари: Орол денгизи истикболи” каби сессияларда Туркий дунё муҳандислари ва меъморлари иттифоқига аъзо давлатлар вакиллари, юртимиз олим ҳамда мутахассислари ўз маъруза ва тақдиротлари билан иштирок этди.

«Миллий қадриятлар
ойлиги»

Шу йил март ойида юртимизнинг бarchа хуудидида “Миллий қадриятлар ойлиги” тадбирлари ва халқ сайилларини юқори савияда ташкил этиш кўзда тутилмоқда.



Маданият вазирлигидан маълум қилишларича, бунда миллий либослар тарғиботи, халқ ўйинлари, бадий жамоаларнинг чиқишлари, қўшиқчилик санъати, ўлан, лапар, халқ ўйинлари, терма, маросим қўшиқлари, халфачилик, бахшичилик ва рақс санъати намуналари, миллий чолғучилик санъати, аркон тортиш, дор ўйинлари, тош кўтариш каби қадимий ўйинларимиз, миллий кураш мусобақаларига кенг ўрин бериллади.

Ўзбек ёзувчиларининг
асарлари хориж наشريда

Ўзбекистон Ёзувчилар уюшмаси ахборот хизмати маълумотига кўра Россиянинг Санкт-Петербург шаҳрида чиқадиған босма “Полынь” альманах-журналининг 4 ва 5-сонларида ўзбек ёзувчиларининг асарлари чоп этилди.

“Полынь”нинг 4-сониди ёзувчи Муҳаббат Йўлдошевнинг “Сокин тонлар” ва Кўчкор Норқобилнинг “Нина” номли ҳикоялари эълон қилинди.

“Полынь”нинг китоб шаклида махсус тайёрланган 5-сониди “Қанчалар олис эди бизлардан...” деб номланган ва Иккинчи жаҳон урушида фашизм устидан қозонилган ғалабанинг 80 йиллигига бағишланган. Унда муаллифи Кўчкор Норқобилнинг “Уруш”, “Этикчалар”, “Бир бурда нон” номли ҳикоялари ва адиба Гулноз Тожибоевнинг “Урушнинг сўнгги кунин” номли ҳикояси ўрин олган.

«Халқ сўзи».

ЁШЛАР — ВАТАН ТАЯНЧИ

Уларга таълим-тарбия беришга бор куч-ғайратимизни сафарбар этамиз

Президент Шавкат Мирзиёевнинг ўтган ҳафта ёшлар билан мулоқотида билдирган фикрлари, илгари сурган ташаббус ва лойиҳалари, берилаётган имтиёзлар ёшларни янада фаол бўлишга, мамлакат ривожига ва эртанги тараққиётига дахлдорлигини бир неча қарра қучайтиришга, умуммиллий ҳаракатга ундаши муқаррар. Очиғи, яқин тарихимиз давомида ёшлар учун бундай имкониятлар яратилгани кузатилмаган, десак, муболага бўлмайди. Зеро, Президент билан суҳбатлашган ҳар бир йигит-қиз келажакда ўз ортидан миллионлаб тенгдошларини эргаштира олади.

■ Муносабат



Маълумки, ўтган асрда маърифат майдонида ёрқин юлдуз бўлган жадидлар “Миллатни уйғотиш — уйғонганларнинг иши” дея баралла гапириб, ёшларга илму зий ўлашиб, уларнинг маърифатли бўлиши мамлакат тараққиёти учун нечоғли фойдали эканини сўз ва амалларида исбот этганлар. Бугун ёшларимиз уйғоқ. Улар давлат тараққиёти, янги Ўзбекистон фаровонлигига ҳисса қўшишга шай, келажакка мустақкам пойдевор бўлиш учун олдинги сафларда туришибди. Қайси соҳа бўлмасин, унда ёшларнинг фаоллиги, замонавий ташаббус ва лойиҳалари кўзга ташланмоқда. Бугунги ёшлар ўзгача ёндашув, ўзгача фикр, ўзгача ечимларни тақлиф қилмоқда. Бу эса, аввало, тизимли ислохотлар, шарт-шароит, имконият ва имтиёзлар ҳосиласидир.

Айниқса, учинчи Ренессанс пойдеворини яратиш ғояси сўнгги йилларда онгу шууримизга чуқур сингиб, бунда ҳар биримиздан шижоат ва ғайрат талаб этилмоқда. Янги Ўзбекистоннинг бугунги ва эртанги бунёдкорлари эса айнан ёшлар тимсолида намоён бўлмоқда. Шу боис ҳам деярли ҳар кун ёшларга оид бирор ижобий янгилик, меъёрий ҳужжат ёки лойиҳага дуч келамиз. Бу марра баянд олингани, пировард мақсадимиз йўлида бутун куч-ғайратимизни тўлақонли сафарбар этишга тайёрлигимиз нишонасидир.

Ренессансга фақатгина таълим ва илм орқали эришиш зарурлиги ҳеч қандай исбот талаб қилмайдиган табиий ҳодисадир. Биргина ёшларни олий таълим билан қамров даражаси 42 фоизга етгани, магистратурада тахсил олаётган хотин-қизларга шартнома тўловлари давлат томонидан қоплаб берилмаётгани ҳисобига талаба қизлар сони 11 қарра кўпайгани амалий ҳаракатларнинг юксак натижаси сифатида эътирофга сазовор.

Шунингдек, ёшлар орасида хорижий тилларни ўрганишга қизиқиш бир неча баробар ортиб, бу барча меҳнат ва хизмат соҳасида, айниқса, тижоратда бекиёс аҳамият касб этаётгани қувонарлидир. Зеро, ўтган асрда маърифатпарвар Маҳмудхўжа Бехбудий “Бу замон тижорат иши, саноат ва мамлакат ишлари, ҳатто дини ислом ва миллатга хизмат илмисиз бўлмайду. Замондан, қонундан

хабардор бўлмоқ учун бизга икки эмас, тўрт тил керак”, дея жар солганида қанчалик ҳақ бўлган. Энг муҳими, бу борадаги ишларни келгусида янада ривожлантиришга қаратилган савй-ҳаракатлар, имтиёз ва рағбатлар бугунги куннинг муҳим масаласига айланган.

Ёшлар билан мулоқот вақтида Президентимизнинг “Энди барча тизимдаги раҳбарлар ёшларнинг баралла овозини эшитишга мажбур. Ёшлар бўёқ келажакимизнинг асосий бўғини эканлигини тушулмаган раҳбар бизнинг сафимизда бўлишга ҳаққи йўқ”, деган сўзлари ҳар биримиз, айниқса, раҳбарлар учун огоҳлик қўнғиргои бўлмоғи лозим.

Яна бир муҳим масала шундан иборатки, бугунги тезкор ахборот алмашинуви даврида ёш авлод, жумладан, болалар учун миллий контентни яратиш долзарб вазифа бўлиб, бундай медиамасхулотларни богча ва мактаблардаги таълим жараёналарида намоёйиш этиш орқали янада оммалаштирсак фарзандларимизда болалик давридан бошлаб миллий ўзлиқ, Ватанга садоқат ва ундан фойдаланиш ҳиссини шакллантиришга муносиб ҳисса қўшган бўламиз. Боиси ҳозирги таҳлилга ва янгидан янги таҳдидлар қучайиб бораётган бир шариотда фарзандларимизнинг маънавий тарбияси ва мафкуравий иммунитетини қучайти-

риш, уларни ёт гоёлардан асраш ҳар биримиздан улкан масъулият талаб этади.

Ёшларимизда ватанпарварлик руҳини қучайтириш бўйича 10, 11-синф ўқувчилари ўртасида бошланган “Ватан таянчи” ҳаракати янада оммалаштирилиб, касб-хунар мактаблари, техникум ва хусусий таълим ташкилотларида ҳам йўлга қўйилса, мард ва жасур, Ватанга садоқатли ўғлонларни тарбиялаш янада самаралироқ бўлади. Айниқса, “Ватан таянчи” отрядлари ўртасида “мактаб — туман — вилоят — республика” даражасида спорт мусобақалари ва ижодий танловлар ташкил этилиши, шу билан бирга, ҳар бир маҳаллада ёшлар ўртасида “маҳалла — сектор — ту-

ман — вилоят — республика” даражасида “Шижоат ва ғайрат” спорт ўйинлари ўтказилиши, голиб маҳаллаларга спорт иншооти қуриб берилиши ва зарур анжомлар билан таъминланиши ҳам муҳим натижаларни қўлга киритишда айнаи муқаддас. Аҳамиятисиз, “Ватан таянчи” ҳамда “Шижоат ва ғайрат” мусобақалари голиблари ҳарбий олийгоҳларга кириши учун тавсиянома берилади.

Шу ўринда таъкидлаш лозимки, мамлакатимиз тинчлиги ва осойишталиги, халқимизнинг ҳуқуқ ва манфаатларини муносиб ҳимоя қилиш муқаддас бурч ҳисобланиб, бу борада Қуролли Кучлар ва ҳуқуқни муҳофаза этувчи органлар тизимидаги олий ҳарбий таълим

муассасаларида профессионал кадрларни тайёрлашга устувор аҳамият қаратилмоқда. Курсантлар, тингловчи ва талабаларни сифатли ҳарбий таълим ҳамда илмфан билан фаол банд қилиш мақсадида барча шарт-шароит яратилиб, моддий-техник база тубдан янгиланди ҳамда замон талабларига мослаштирилди.

Хусусан, давлатимиз раҳбари қарори асосида мамлакатимиз тинчлиги ва осойишталигига бўлган ҳар қандай таҳдидларнинг олдини олиш ҳамда жиноятчиликка қарши курашиш йўналишида юқори малакали мутахассисларни тайёрлаш тизимини илгор халқаро стандартлар асосида тақомиллаштириш, шунингдек, замон талабларидан келиб чиққан ҳолда Қуролли Кучлар ва ҳуқуқни муҳофаза қилувчи органлар кадрлари салоҳиятини ошириш мақсадида Жамоат хавфсизлиги университети ташкил этилди. Университетда таълим олувчиларга замонавий билим, қўниқма ва тажрибаларни эгаллашлари учун барча шарт-шароит яратилди.

Бу каби имкониятлар Мудоффа вазирлиги, Давлат хавфсизлик хизмати, Фавқулодда вазиятлар вазирлиги, Ички ишлар вазирлиги тизимидаги академия ва институтларда ҳам яратилди. Эндилкида э